

YUDAS

Yudasnge wane kuyarna

Maria nu Yesus te-pilna sulumba ngumneŋga nu maŋ kiŋo bailkamba turmba kile-patikina ta nyu kat nangine Yakobus Yosef Simon Yudas. Ta tuku pasa ande Mateus 13.55 mbolŋge minit.

Wane te Yudasnge kuyarna. Aba nuŋe Yakobus tuku wane mata Kuate tuku Pasa mbolŋge minit.

¹ Ye Yudas Yakobus tuku mambo nuŋe Yesus Kristus tuku piro tango. Tane Mam Kuatenge wikina mbal nu tane tuku kume purte le Yesus Kristusnge kulatkate ta tane ŋakmba kaiye.

² Kuate nu lato lato tane sinanu mapeka ngamunŋal mukuk wamdus bul sertinmba tane tuku kume purwa. Son.

Yabri tum mbal

³ Tira kame, Kristus nu sine muskil kile-tidinge siŋgina wam mayenu ta ye tane tuku kuyaram sunŋomba iduset ta ye wam ande ismba kile rironŋ pasa ndo kuyaret. Sine son ngeg pasa Kuate nuŋe mbal siŋgina ta tango afunŋe pasa ta mbilam tago-tagode ta tane sanŋri tinga pitaikap.

⁴ Tane gilai minig le Kuate ngumnede mbal afu tane ngamukŋge mayok kinig ta ye tane kila satinget. Nane nangine wamdusmbi Kuate tuku maŋau mayenu mbilmba nu sine make patikate ŋga kiko kugatok unekade sulumba siŋgine Sunŋo Yesus Kristus pitaide. O buk Kuate nu nuŋe kuyar pasa mbolŋge mbal ta ngisikamŋgaig ŋga sakina.

⁵ Tane wam te buk isnaig ta maŋ lato idusam tuku satinŋamŋgit. Kuate nu Israel mbal Isipŋge muskil kile-tidingina sulumba ŋgumnenga mbal ta tuku afu nu talanaig ta bale farna.

⁶ Nu eŋel mata mape ndakina. Nane afu lato nyu sugo kilam tuku idusmba naŋgine kulatkanu ma kusrekinaig ta Kuate nu nane ma make sunŋo sinamŋge patika muli karenŋnumbi kuse likina le minmba minig. Ait sunŋo mbolŋge Kuate nu nane pileniŋmba pa niŋgamŋgat.

⁷ Sodom le Gomora tumbran afu patukŋge mine likinaig ta turmba Kuate tuku pa kaŋgernaig. Eŋel ŋaigonu nane maŋau kinaig taŋamba ndo nane uneka pino taŋgo ndoŋ mine maŋau mbilmba une ŋaigonu kinaig le Kuate nu nane ŋakmba pasokina. Maŋau ŋaigonu kade mbal taŋamba pa tam tuku tumsinŋgit.

⁸ Taŋamba ndo yabri tum mbal ta kiŋambi ŋgarosu kutur tuwig sulumba naŋgine kulat mbal pitaika samba mbolok guwa magenu tumail panniŋgig.

⁹ Ata. Eŋel kame tuku gabat sunŋo Mikael nu Satan ndoŋ Moses tuku mindesiŋ tam tuku kua-leyaukinaik ta nu Satan tumail panmba sawe li ndakina. Kuga. Sunŋonŋe ne sane likamŋgat ŋga Satan sana.

¹⁰ Ndanam tuku yabri tum mbal nane agaŋ afu sine ammbi nda kaŋgerkeg ta tugunu nane gilai minmba tumail panniŋgig? Nane agaŋmor taŋaŋ wamdus kugatok naŋgine nzali ndo dubikade le wam ta luka naŋgine kanu ŋaigo siglikate.

¹¹ Osese. Nane Kain tuku maŋau dubide. Nane Balam taŋaŋ ndametiŋ kilam tuku piririmba wam

ɲaigonu kam idusde. Nane Kora taɲaɲ Kuate tuku pasa pitaimba ɲgisikade.

¹² Tane wamdus ndindo ɲak maɲgarka pagumba nye sungo ait mbolɲge nane kiko kugatok taɲaɲ tane ndoɲ isukusmba tane tuku maɲau mayenu ta kutur mbilmbilde. Nane mbesignanga afu taɲaig ɲga naɲgine ɲgarosu ndo isukusneningig. Nane gau dabuk dabuk bubreɲge tumba pinderkate taɲaɲ ake ɲule parak pasa sakade. Nane kumzaɲ ail naɲgine ait mbolɲge alo ndade le gode le kumig taɲaɲ.

¹³ Yu mbalo subalnu tu ɲak mayok kinig taɲaɲ naɲgine kiko maɲau kilimok mayok kinit. Mbai afu ndin ndindo dubi ndaka fare fare likade taɲaɲ nane yabri ndin ndo dubikade. Kuate nu ma make sungo nane tuku madina le nane ta sinamɲge minmba minamɲgaig.

¹⁴ Adam tuku sikar sikar tuku wa nuɲe Enok nu mayok ka yabri tum mbal ta tuku dir pasa teɲenmba sakina. Tane isap. Sungo nu nuɲe eɲel gudommba ɲak prowamɲgat.

¹⁵ Nu prowa sulumba taɲgo pileniɲmba nane nu pitaimba maɲau ɲaigonu kade mbal ko nu mbulmba pasa ɲaigonu tuwig mbal nane ɲakmba kilmba pasa mbolɲge patikamɲgat ɲgina.

¹⁶ Yabri tum mbal naɲgine mine ɲakmba tuku minde simba gubra tumba minig. Nane naɲgine ɲgarosu tuku nzali kutur dubikade. Nane miɲge fetka naɲgine ɲgarosu payamka afu tuku aganɲ ndende kilam tuku wam sa kuakiɲgade.

Rironɲ pasa afu

¹⁷ Tira kame, singine Sungo Yesus Kristus tuku aposel kame nane mañau afu ngumneña prowam tuku sakinaig ta gilai ndangap.

¹⁸ Nane tenenmba satininaig. Kugawam tuku ait mbolñge nane afu Kuate tuku pasa usre kupetmba nu ngumnemba nanjine ngarosu tuku nzali kutur ñak ta dubikamñgaig ñga satininaig.

¹⁹ Mbal kame tanje tango pur yimyam ningig. Nane kilke mbol mbal ndo Tukul Guwa kugatok.

²⁰ Nane tanjade ta tanenñge Kuate tuku pasa sine son ñgeg ta idusmba ñak sugokap sulumba Tukul Guwa mbolñge Kuate yabanap.

²¹ Kuate nu tane tuku kume purte wam ta kusre ndamba nu tugumñge minap. Singine Sungo Yesus Kristus nu tane mapetinguwa le abo ñak minmba minamñgaig wam ta ndo tairñga minap.

²² Nane Kuate tuku pasa ismba wamdus kine inumde mbal sinaniñmba turkap.

²³ Afu ngisika pa mbol kambim bafude ta pitik kile-luka kilap. Nane afu une sugo ñak minig ta nane sinaniñmba nane tuku mañau ta tane rironkap.

²⁴⁻²⁵ Mbara Sungo ndindo nu singine Sungo Yesus Kristus mbolñge muskil kile-tidinge sinjit ta nu tane baringubekaig ñga nu tane kulatkam kumuñ. Ngumneña nuñe kilña sanjri ñak tane tugumñge tane gare ñak mbar kugatok kile-tidingsam kumuñ. Nu kilña sungo sanjri ñayo nyu sungo minmba minna ta kile minit. Nu tanamba minmba minamngat.

Son.

KUATE TUKU PASA
Portions of the Old Testament and The New Testament
in the Siroi Language of Papua New Guinea
Sampela hap Buk Baibel long tokples Siroi long
Niugini

copyright © 1975, 1999 Wycliffe Bible Translators, Inc.

Language: Siroi

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

PDF generated using Haiola and XeLaTeX on 18 Apr 2025 from source files dated 31 Aug 2023

9d2e8659-afb4-5cca-93d8-23ebf89e1709